

Powšitkowne WOZJEWJENJA

njedźelu, 21. awgusta 2011

Biskopska swjećizna w Zhorjelcu

Jenož dzeń po swojim zapokazanju jako Berlinski arcybiskop wuswjeći Rainer Maria Woelki kano- nika Wolfganga Ipolda njedźelu, 28. awgusta, na noweho Zhorjelskeho biskopa. Swjatočna Boža mša w katedrali swjateho Jakuba zahaji so w 15 hodź. Swjedzenske přédowanje změje Erfurtski biskop Joachim Wanke. W interneće so kemše ze Zhorjelca pod www.domradio.de originalnje pře- njesu.

Zelowy swjedzeń w Klóštrje

W klóšterskej zahrodze w Pančicach-Kukowje je njedźelu, 21. awgusta, tradicionelny zelowy swjedzeń. Ekumeniski nyšpor, na kotrymž so zelowe kwěćele požohnuja, změjetaj Drježdžansko- Mišnjanski biskop Joachim Reinelt a superintendent na wuměniku Friedhard Vogel w 14.30 hodź. Nyšporej přizamknje so koncert serbskeje dujerskeje kapaly Horjany a gospeloweho chóra z Großröhrsdorfa. Tež zelowe wiki so přewjedu.

Boža mša w Drježdžanach

Serbja w Drježdžanach, jich přiwuzni a přećeljo su přeprošeni na Božu mšu z fararjom Achimom Pjetašom njedźelu, 28. awgusta, w 17 hodź. do cyrkwy swjateho Antonija (Drježdžany Löbtau, Schillingplatz 1). Kemšam přizamknje so bjesada.

Zetkanje samostejacych

Samostejacy ze serbskich wosadow su na zetkanje sobotu, 10. septembra, w 14 hodź. do Domu biskopa Bena w Smochćicach přeprošeni. Zajimcy njech so hač do wutory, 6. septembra, w redakciji Katolskeho Posoła přizjewja, telefon (0 35 91) 55 02 12. Štóž chce wotewzaty być, njech to prošu zdžěli.

Za putniku jězbu do Francoskeje hišće městna swobodne

Za putniku jězbu do Francoskeje, kotraž budže wot štwórtka, 20. oktobra, do štwórtka, 27. oktobra, su hišće městna swobodne. Wopytać chcemy mjez druhim Straßburg, Ars, a Taizé. Jězba płáči 699 eurow. Prošu wšitkich zajimowanych hač do štwórtka, 1. septembra, wo telefoniske přizjewjenje pod čisłom (03 59 35) 2 04 25. T. Kubašec

Zetkanje Krupčanskich putnikow

Wšitcy, kotřiž su lětsa do Krupki putnikowali, su přeprošeni na zetkanje ze zhromadnej wječerju, kotrež budže pjatk, 2. septembra, po kemšach w Chróscicach na farje. Boža mša je w 19 hodź.

Dekanatny wulět młodžiny

Wutrobnje přeprošujemoj serbsku dekanatnu młodžinu na zhromadny wulět. Njedźelu 11. sep- tembra, po tym, zo bě we wosadach přiwzaće do młodžiny, dojedźemy sej do Zhorjelca. Tam wočakuje nas wustojne wjedženje po krajnej wustajeńcy. Scěhuje kofej. Po nyšporje dojedźe- my sej wšitcy do Chróscic. W Hórnikowym domje dzeń při wječeri, rejce a bjesadze zakónčimy. Nadrobnosće so w přichodnym Posole wozjewja. Farar Měrcin Deleńk a Weronika Wróblowa

Serbski swjedzeń we Wuježku

Serbske ewangelske towarstwo přepróšuje sobotu, 27. awgusta, na dworowy swjedzeń ze swójb-
nym pućowanjom do Wuježka pod Čornobohom. W 13 hodź. je zetkanje pola Krygarjec we Wuježku,
čísło 31A. Wottam póndže pěši na Koporčansku horu – w krutych črijach a dołhich cholowach. Po
nawróće do Wuježka poskići so swačina. W 17 hodź. budže nutnosć ze superintendentom Janom
Malinkom. Skupina Wólbernosće poskići we 18 hodź. swój program. Přizamknje so wječer. Štóž
chce něšto k bifejej přinošować abo dwór sobu přihotować, njech so prošu přizjewi, telefonowe číslo
(03 59 39) 8 05 02. *Mato Krygař*

Lětni koncert w Radworju

Swój tradicionelny lětni koncert před Starej cyrkwičku w Radworju wuhotuje chór Meja njedźelu, 28.
awgusta. Pod hesłom „Hdžež so spěwa, so tež směwa“ su sej lětsa přeprósyli skupinu Po štyrjoch a
muža z delanskich kónčin, kotryž zamóže młódšich kaž staršich přihladowarjow ze swojimi tryskami
zahorjeć. Wot 15 hodź. poskići so kofej a samopječeny tykanc. Koncert zahaji so w 16 hodź. Wšitcy
zbliska a zdaleka su wutrobnje přepróšeni, wosebje tež swójby z dźěćimi.